


www.BibleForChildren.org

Matayu 26




Machuwa isita
pambila gha
muhambu wa
pasaka, Yesu ahikili
Besania kula awelili
angulikala Lazalu yula mweni
kuhindulwa. Hinu, Malia akatola
mandina gha supa
yenikuvikwa mahuta gha
kunungila yenikugholwa kwa
libiki Iya nalido, akampakala Yesu
mumaghulu na kupyata kwa hwila
ghaki. Lighuta lyogha likanungila manungilo.



Hinu Yudasi Isikalioti, mmonga wa wala ikumi na ivili,
ayendili kwa watambika wakulu ili kumhyuka Yesu.
Watambika wakulu pa wayoghanilili
mghalu hula, wakahekelela,
wakamlongela watempegha
mapesa. Hinu, Yudasi
Akatumbula kuhaka lipindi
maha gha kumyuka
Yesu.



Wavulwa wakaghola handa Yesu
awalaghilili, wakayandala mulyo
wa Pasaka. Pawawelili wakilyegha,
Yesu akatola libumunda,
akamshukwile Sapanga, akametula,
akawapegha wavulwa ghaki akilonga
"Mtoli mlyeghi, hau ni higha ghangu."



Hinu akatola kitekelu kya divai,
akashukwile, akawapegha
akilonga, "Mnyweghi wogha, hau
ndiwa mwahi wa nenga weni
kulangiha yiwa lilaghanu Iya nenga
ni Iya chakaka mwahi weni
kumwahika kwaikiva gha wandu
watangala ili kuwahumisila sambu."



"Simoni, Simoni, uhyoghanili Lihyukana lipalili kuwayeyesa mwenga handa mundu anguyeyesa ngano. Ila nenga Simoni nikuyupila kwa Sapanga ili kukwinila ghako kukotoho kupungula. Na wenga paunihyukila na kunikwinila uwapeghi moyu walongo ghako."



Na mweni Petelo akamuyanga, "Bambu, nenga nijivika kala maha kuyenda pamonga na wenga kuyenda kulighuta Iya wawopwa na hata kuhova." Yesu akamuyanga, "Ningukulongela wenga Petelo, pambila gha njogholu kutova lilowi lelo utevile unikanila mihanja itatu yiwa ungunimanya ng'ogha nenga."



Hinu Yesu akayenda pamonga na wavulwa ghaki kukitawa Getisemani, akawalongela wavulwa ghaki, "Mtami baha na nenga ninguyenda kula kuyupa." Akalonga, "Tati ghangu, kwa wenga mighalu yogha inguwesekana. Unihumisili kitekelu haki, ila ikotoho kuwela handa nipalili nenga, ila upalili wenga."



Hinu, Yudas akayenda kutola lipinga lya watovangonde na waghokela kuhuma kwa watambika wakulu na Mafalisayo, wakahika na mweni kukitawa wakiwela na limbamba na miyengi na migoha. Mmonga wa wala wavulwa akamtova mtumikila wa Mtambika mkulu, akamdumula lipulikilo lya mbandi gha liwoku lya kulihila. Pala, Yesu akalonga, "Uleki, hai ingubaka." Akaliyavisa lila lipulikilo lya yula mtumikila wa mtambika, akalilamisa.



Hinu wakamkamula Yesu, wakamtola na kuyenda
pamonga na mweni lighuta kwa Mtambika Mkulu.
Petelo akiva angumkovekela kuyetu kwa utali.
Wandu wala pawahika
ukaya kwa mtambika
mkulu wakakosa lyoto
paghati gha lyugha na
weni wawelili walikala
pamonga na mweni
Petelo akalikala
pamonga
na weni.



Mmonga wa wala
watumikila wa Mtambika
Mkulu, mlongu ghaki
yula mundu mweni
kudumulwa lipulukilo
na Petelo, akamkonya,
“Ghuli, nenga nikuwonili
ng'ogha kula kukitawa
mkiwela pamonga na mweni?”
Petelo akakanila kangi liyanja
lingi, “Ng'ogha nenga” Na
njogholu akalila. Pala Petelo
akahuma panji, akalila nesu.




Hinu lipinga lyogha Iya wandu wayimukili na kumyegha Yesu kwa Pilato. Hinu Pilato akamkonya Yesu, "Wenga ndiwa Nkosi wa Wayahudi?" Yesu akamuyanga akamlongela, "Wenga ungunonga." Hinu Pilato alongile na weni kwa lihanja Iya ivili, kwaikiva mweni apalili kumfughulila Yesu. Ila weni

wakayendelela kutova lilowi wakilonga, "Avambwi kulipingika,

Avambwi kulipingika."




Hinu, Pilatu akawapegha Yesu ili
wamvambi. Hinu wakamtola Yesu.
Yesu akahuma akiwela kapapa
lipingika lyaki mbaka kumahala
wangupakema, "Lifufu Iya mutu."
Kwa kiebulaniya wangukema Goligota.



Pakahika mahala pala wakamvamba
kulipingika, hilahila pala wawavambili
wandu waghangi waivili, mmonga na
lipingika ghaki mbandi gha
liwoku Iya kulyila
na mghangi
liwoku Iya shotu
na Yesu akawela
paghati ghao.



Iwelili inguwachilwa lisaa isita pamuhi kwa kulola lijuwa,
lijuwa likaleka kulangala na lwisa likagubika Izilaeli
hyogha mbaka lisaa itisa, na lipazia litopehu liwelili
lilekanisa mbandi ivili ku Lighuta
Iya Sapanga likabaluka vipandi
viivili kuhuma kunani mbaka
pahi. Yesu akalila kwa lilowi
likulunga, "Tati, kumawoku
ghako ninguvika mpumulo
ghangu." Paayomola
kulonga ghala,
akadumuka mpumulo.



Pala akahika Yusufu mwenekaya wa Alimataya, mjumbi wa njengakaya ngulu gha Wayahudi, atundamiliwi nesu. Mweni kangi awelili akilindila kuhika kwa Unduna wa Sapanga.

Hinu, amuyendelili Pilatu kahela holu, akaluwa apeghwi higha wa Yesu.



Yusufu akahemela sanda,
akaughulusa pahi hula higha,
akautindilila sanda. Akavika
ku limambi liwelili
lihongoliliwi mliganga
likamala, hinu
akalibilibisa liganga
likulunga
kuulongolu gha
mlyango.



Kilau ghaki, ingumanisa lichuwa Iya
kuulongolu lila Iya mayandalilo,
watambika wakulu na
Mafalisayo wamyendelili
Pilatu, Wakalonga,
"Mtundamilwa,
tukumbwike yiwa yula
mhwangi yambila
gha kuhwegha



ailongile, . . . "



“... ‘Badili gha lichuwa Iya itatu nitehinduka.’ Hinu, wakayenda, wakaligholokela limambi, wakamatika lami kumalanga na kuvika ugholokela mkalipa.”



Hinu paliyendili lichuwa lya
kupumulila, na paihikile malawila
pee, lichuwa lya ijumapili,
Maliya ahumili mmbwani
wa magidala na yula
Maliya ghangi
wayendili kulola lila
limambi.



Bwitu kukahumila na mhihimilu
mkulunga wa mlima, Mtumikila
wa kundumba wa Sapanga
akahuluka kuhuma
kundumba, akalibilibisa
lila liganga na
akalikala kunani
ghaki.

Wagholokela wa
lila limambi
wakahihimila kwa
holu ngulu, hata
wakawela handa
wahova.



Ila yula mtumikila wa kundumba wa
Sapanga akawalongela wala
Wadala, "Mwenga mkotoho
kutila! Ningumanya yiwa
mngumhaka Yesu yula
awambilwi. Kabaha
ng'ogha kahinduka
handa ailingili.
Hinu mhiki mloli
mahala

paawelili
kawonja."




Hinu wala wadala wakahuka pala kulimambi kunu wamema holu, ila wakiwela na luheku nesu, wakahuka kwa kuloposela mlimambi, wakatula mbilu kuyenda kuwalongela wavulwa ghaki.



Bwitu, Yesu akakongana na weni
akalonga, "Kayimuka." Wala wadala
wakamyendela pabehi,
wakamtundamilila manung'una
kuulongolo ghaki, wakakamula
maghulu ghaki.





Kuulongolo Yesu awahumilili wayitikila ikumi na imonga pawavile pamonga wakilyegha mulyo. Akawakalipila nesu kwa ikiva gha kukwinila ng'ogha kwa weni na utatala wa weni, kwa ikiva wamkwinilili ng'ogha wala wavile wamwonili badili gha kuhinduka. Hinu, Bambu Yesu paalongilikala na weni, akatolwa kundumba kwa Sapanga, akatama upandi wa kulihila wa Sapanga.



Kwaikiva Sapanga apalili nesu mlima
wogha hata akamuhumisa Mwana
ghaki wa weka, lukani kila mundu
mweni kumkwinila hayu Mwana
akotoho kuyaghamila, ila apokeli
ukomu wa machuwa hyogha
bila mwihu.



Waloma 3:23 wandu wogha waghohile sambu na kulepelelwa kughola kila akipalile Sapanga waghohi.

Waloma 6:23 Kwaikiva mahipo gha sambu ni kihu, ila fwaida gha Sapanga ni ukomu wa machuwa hyogha bila mwihu ku Kilisito Yesu Bambu wa twenga.

Wahebulania 9:27 Handa mundu vila kavikilwa kuhova lihanja limonga hela na badili gha kuhova kulamulwa.

Waefesu 2:8,9 Hinu kwaikiva mlokolwa kwa umaha wa Sapanga, kwa njila gha kukwinila, ng'ogha kwa matendu maheli mghola. Ulokola hau ni hupo kuhuma kwa Sapanga. Kawalokola ng'ogha kukovekelana na matendu maheli mghola, hinu mundu yoyosi akotoho kulitutumula.



Waloma 10:9,10 Ikiva utelonga kiuhighgiliso kwa mlomo ghako wenga mweni yiwa Yesu ni Bambu na kukwinila mmoyu ghako yiwa Sapanga ndiwa amhindulili kuhuma kukihu, utelokoka. Kwaikiva mundu angukwinila kwa moyu akajumilwa kuulongolo gha Sapanga, na angulongela kiuhighiliso kwa waghangi mweni handa mweni kwa mlomo ghaki atelokolwa.

Yohana 3:16,17 Kwaikiva Sapanga apalili nesu mlima wogha hata akamuhumisa Mwana ghaki wa weka, lukani kila mundu mweni kumkwinila hayu Mwana akotoho kuyaghamila, ila apokeli ukomu wa machuwa hyogha bila mwihu. Kwaikiva Sapanga kamyegha ng'ogha Mwana ghaki kutosa mlima wogha, ila kuulokola.



1 Yohana 5:11-13 Habali gha chakaka yeni ndiwa hai, Sapanga katupatila ukomu wa machuwa hyogha bila mwihu, ukomu hau tunguupokela kwa kumkwinila Mwana ghaki. Mundu mweni umonga na Mwana wa Sapanga, hayu kana hau ukomu. Ila yula kawela ng'ogha na umonga na hayu Mwana wa Sapanga, hayu kahela hau ukomu. Ninguwayandikila mighalu hai mwenga weni kumkwinila Mwana wa Sapanga, ili mmanyi yiwa muwela na hau ukomu wa machuwa hyogha bila mwihu.



Matayu 26-28; Luka 22-24; Yohana 13-21

Storyline by: Edward D. Hughes

Illustrated by: Janie Forest
and Alastair Paterson

Adapted by: Lyn Doerksen

Mbunga NT (mgy) @The Word for The World International
and Mbunga Language translation, 2025. All rights
reserved.

©2026 Bible for Children, Inc.

www.M1914.org

www.bibleforchildren.org

